

五言律詩

博州戰姑庭楸詩

并序

聊城之南鄒氏之室有戰姑者本蓬萊人生含巧思以綵縷
紉結鳥獸魚蟲花草之類隨物變態不待規模而應之於手
其精神過於生者遠甚自中年後守寡信道甚篤建菴設食
以待四方煙霞之侶且有日矣無何佻薄者構成謗語之私
用浼松筠之操姑知不易明辨即會其戚屬指庭下枯楸而
祝之曰今仙聖在上妾身若無毫髮過賴樹復榮苟或不然
是妾自負矣吾誓不與若等共天日祝後歲幾半宵無睽兆
里人笑而嘲之曰賢樹若生不特爾之貞而我亦富且貴矣

道藏輯要

礪溪集

巽

又胃集二

姑聞之春夢然彼楸樹者以大定庚子歲始植既植即死風
摧雨剝殆幾五稔形質朽殘固無生理越明年建巳之夏即
姑始禱之月也忽爾靈芽筍發於枯樹之下狀如朱草日引
修條茂葉蔽於堦砌予初在陝右屢聞是說然未詳所見逮
明昌辛亥塗經此州聞閭里譚道及寓宿於姑之家庭而後
悉其事爲不誣白樹之復榮於今六載矣高可倍尋枝幹扶
踈異於凡木其傍枝四出偃蹇迥勁森然有拔俗凌雲之氣
象長春先生曰至誠感物明德動天戰姑之謂乎孰謂道之
云遠人病不誠其德耳因得四十字用紀天神之應時某年

月日

外口生非謗虛心禱證明長楸根已爛朽枿筍重榮孟氏悲黃
竹田真歎紫荆昔年聞孝義今日表忠貞

答號縣猛安鎮國

酷愛無人境高飛出鳥籠吟詩閑度日觀化靜臨風杖策南山
北酣歌西坂東紅塵多少事不到白雲中

答號縣李四秀才

嚴冬極瀟灑短晷急周旋獨立紅塵外孤吟碧嶂前側身窺洞
口明目注山巖遙望青峯雪皚皚白映天

訪終南懷道村宿之道留宿竹園

懷道訪之道攄情遠世情安居神自爽欲睡夢還驚仙院風光

道藏輯要

備溪集

七

又胃集三

雅瓊林月色清儒生真得趣笑戀紫袍榮

讚長生先生

法眷我昏耳仙傳誰福乎東萊高士傑西浴大名殊後獲宗乘
教公最後先開道德樞深知童子力乃感聖賢扶

讚玉陽先生

故國真仙子東方大達人清高何異俗爽邁不同塵表裏天俱
賜行藏世絕倫時時期禍福徵驗默通神

寄題磻溪太公廟

一景通高下三峯鎮古今路穿雲洞滑祠隱釣溪深出竇飛泉
迸參天古栢陰快哉清絕地堪暢野人心